

թեանն եւ ասէ, եթէ «Բագումբ եւ յայս երից¹ աշխարհաց յազատորերոյ, որք եւն աւագ քան զիս եւ գահու եւ աւուրբք, եւ շատ են, որ ի խոնարի են: 14 Չվաստակ եւ զհպատակութիւն, զոր ծառայից պարտ է առ իւրեանց տեարսն եւ առ թագաւորսն² առնել՝ զայն նախ դու, որ ամենեցուն տերդ ես, եւ ապա ամենայն Արիք, զիմ եւ զիւրաքանչիւր ի նոցանէ³ մինչեւ ցայժմ՝ քաջ գիտէք, եւ ոչ ինչ պիտոյ է ինձ եւ կամ ումեք ի սոցանէ զիւր զվաստակ եւ զսպաս ծանուցանել ձեզ: 15 Յայսմ հետեւ եւ յառաջ ի մոտի այսպէս եղեալ իմում անձինս, զի եթէ եւ գոյ հնար առնել զմի անձն իմ բագում անձինս, զոյժ եւ զյաւժարութիւն կամաց առաւել եւս քան զնոյնս, զկեանս եւ զկարասի, որ գամ մի յիմում տանս կայ, ձեր առնելով, եւ ի վերայ Արեաց տեառն եւ ի վերայ Արեաց աշխարհի եղեալ է ի մոտի մաշել: 16 Բայց զաւրէնս, զոր ուսայ յԱստուծոյ ի մանկութենէ իմմէ, թողուլ եւ ընդ երկիւղի մարդոյ⁴ փոխանակել՝ չէ հնար: 17 Չի եթէ ի մարդոյ ընկալեալ էր զարդար վարդապետութիւնն, զոր հաստատեալ է ի միտս իմ⁵, գիտէի թէ ճշմարիտ են, եւ ուրանայի՝ ողորմելի զանձն⁶ համարէի. թող թէ աւրէնս, զոր ընկալայ եւ ուսայ ի բերանոյ Աստուծոյ՝ վաճառել ընդ երկիւղի մարդոյ եւ սնտոյ փառաց. քա՛ւ լիցի: 18 Իմ պատասխանիք այդ են, յորում ցանկամ մեռանել, քան թէ կալ ուրացութեամբ առանց Աստուծոյ: 19 Իսկ այլքս, որ կան առաջի ձեր ամենեքեան, որ են ի քրիստոնեական կարգէ՝ բաւական է իւրաքանչիւր ոք ընդ անձին իւրոյ տալ պատասխանի»:

20 Եւ լուեալ այլ ազատանւոյն, որք էին յերից աշխարհաց⁷, Հայոց, Վրաց եւ Աղուանից, զպատասխանիսն աներկիւղութեամբ զսպարապետին Հայոց Վարդանայ եւ զսաստիկ սրտմտութիւն զտեսլեան թագաւորին՝ ետուն պատասխանի եւ ասեն. «Ներեցցէ մեզ արքայ աւուրս ինչ խորհել ընդ միմեանս, եւ առնել ձեզ պատասխանիս հաստատապէս միաբանութեամբ. վասն զի յաղագս հոգւոց ընտրողութեան խնդրին ի մենջ պատասխանիքդ, յորում կայ առաջի գիւտ եւ կամ կորուստ յաւիտենական: 21 Եւ ոչ է պարտ. ստիպով եւ անքնին մտաւք առաջի ձեր առնել այդպիսի մեծի խնդրոյ դարձուած բանից. քանզի զնախնի եւ զսովորական հայրենի աւանդութեան մերոյ խնդրէք զբակտումն, եւ զյանձնառութիւն բռնադատէք աւրինաց՝ որոց ոչ եմք եղեալ մեք եւ կամ հարբ մեր⁸ ընդունողք եւ սիրողք»: 22 Եւ թագաւորին

1 ՁԱՆ. այս երից

2 ՏՏ. առ թագաւորն

3 ՏՏ. ի նոցանէ

4 Ձ. մարդոյ

5 Ձ. զոր հաստատեալ ի միտս իմ

6 ՏՏ. զանձն իմ

7 Ձ. յ. գ. եք աշխարհէ. ԱՆ. յերեք աշխարհէ

8 Ձ. մեք կամ հարբ մեր